

«Камкарабэ кыргыс ОАБ» МЧК
Капун 2013

Шерпа

4700000

MAJBURIY NUSXA

Сирота ЧОПНЕБА

УЎК: 821.512.133-1

КБК: 84 (5Ў) 7

4-77

Ўзб. адаб

**Ситора Чориева, «Чашма», шеърлар. Қарши
«Қашқадарё кўзгуси ОАВ», 2013, 32 бет.**


Юрт мадҳини куйламоқлик улуг саодат-
дир. Ёш қаламқаш Ситора Чориеванинг шеъ-
рларида она диёр жамолига маҳлиёлик, юр-
тга бўлган чексиз меҳр-муҳаббат маҳорат
билан қаламга олинган. Ситоранинг гўзал
ташбехларида қадрдон қишлоғи манзарала-
рига шайдолик яққол сезилиб туради. Китоб-
ни ўқиб, бунга ўзингиз ҳам гувоҳ бўласиз.

Ю 41838
Од

ISBN: 978-9943-4244-0-1

© Чориева С. 2013 йил.

© «Қашқадарё кўзгуси ОАВ» МЧЖ. 2013 йил.



МЕҲР ЧАШМАСИ

Ситора ҳали жуда ёш. Эндигина 15 ёшни қора-
лади. Юрт мадҳини куйлаш, ота-онани шараф-
лаш унинг эзгу нияти. У аъло баҳоларга ўқиш би-
лан бирга бадий ижод билан ҳам мунтазам шу-
гулланиб келади. Ёзганлари самимий ва содда.

Ассаломдан бошланар тонги,
Сўзла мафтун этган дунёни.
Муножатин сирли оҳанги,
Куйлатади ер-у самони.

...Кадр-қиммат, таянчим ўзинг,
Ифтихорим, суянчим ўзинг.
Сен борсан созим овозим янгроқ,
Жаннатмакон Ўзбекистоним

деб ёзади у ўзининг «Юрт мадҳи» номли шеъ-
рида. Бундай самимий сатрлар талайгина. 2013
йил Юртбошимизнинг ташаббуслари билан
«Обод турмуш йили» деб номланди. Турмушимиз-
ни янада ободонлаштириш - ҳар биримизнинг му-
қаддас бурчимиздир. Айниқса, ёшларимизни
маънавий баркамол қилиб тарбиялаш - бугунги
куннинг долзарб вазифаси ҳисобланади. Шу маъ-
нода Ситорага бадий ижодда ҳам омадлар ёр
бўлишини тилаб қоламан.

Исмоил ТЎХТАМИШЕВ,
Ўзбекистон Ёзувчилар уюшмаси
Қашқадарё вилоят бўлими масъул котиби.

ЮРТИМ МАДҲИ

Ассаломдан бошланар тонги,
Сўзла мафтун этган дунёни.
Муножотин сирли оҳанги,
Куйлатади ер-у самони.

Виктория шаршарасидан,
Сувтушаринг афзалроқ менга.
Пиза, Эйфел минорасидан,
Калтаминор баландроқ менга.

Ҳиндистоннинг чапатиси ҳеч,
Самарқанд нон каби татимас.
Тарихи бой, қадим юртим Кеш,
Бобил боғларидан сира кам эмас.

Ватаним деб интилган ёшлар,
Ўзбекистон келажагингдир.
Истиқлолинг қуёшдек мангу,
Юртим узра сочаверсин нур.

Қадр-қимматим, таянчим ўзинг,
Ифтихорим, ғурурим ўзинг.
Сен борсан, созим, овозим янгроқ,
Жаннатмакон Ўзбекистоним!

БАТАН ҲАҚИДА ҲҲЛАР

*Юртни куйлаганлар кўндир дунёда,
Бири бошқасини қайтармас асло.
Кимдир уни айтар тенг деб онага,
Ватан она каби муқаддас маъво.*

*Бобурдек куйласанг агар Ватанни,
Унингдек ёнгин-у, қул бўл ишқида.
Навоийдек куйла куйлолсанг агар,
Тўрт ёшдан тоблангин шеърнинг машқида.*

*Темур бўлиб юртни қўриқла ўғлон,
Юртга садоқатинг исботла шундан.
Широқ бўл-у, уйга қайт эсон-омон,
Фидоий бўлишда ўзиб кет ундан.*

*Тўмарисдек жасур малика бўлгин,
Ҳатто Кирвонишохлар қул бўлсин сенга.
Нажмиддин Кубродек донишманд бўлгин,
Ҳатто фаришталар чўксин пойингга.*

Юртинг осмонида порла, чарақлаб,
Сени кўриб “ана, Чўлпон”, десинлар.
Дукчи Эшон ила кетган шаҳидлар,
Номини оқловчи ўғлон десинлар.

Улуғбекдек кўкка тикиб кузингни,
Минг юлдуз ҳақида китоб ёзгин сен.
Синога айлан-у, табиб аҳлига,
Ўзбек деган юртдан хитоб ёзгин сен.

Курашгин, ўқигин, ёзгин, куйлагин,
Токи Ўзбеклигинг дунё олсин тан.
Ватанинг номини кўкларга кўтар,
Қуёш чиқди, десин Ўзбекистондан.

ҚАДРДОН ҚИШЛОҚ

Қишлоқда бўлганмисиз,
Топ-тоза-ю саришта.
Ҳавоси соф мусаффо-
Гўё бордек фаришта.

Қишлоқнинг одамлари,
Хўп меҳнаткаш-меҳрибон.
Шунинг учун йўл равон,
Маҳаллалар фаровон.

Ёшлари интилувчан,
Кўп билимдон қишлоқнинг.
Кексалари донишманд,
Ҳам меҳрибон қишлоқнинг.

Қизлари-чи иболи,
Ҳар бир сўзи маъноли,
Салом берса жилмайиб,
Кўринади ҳаёли.

Йигитлари бироз шўх,
Гўё ёниб турган чўғ.
Ҳатто рақибига ҳам,
Кўнглида адоват йўқ.

Шаҳарлик одамлардан,
Узр сўраб қўяман.
Шаҳар ёмон эмас, лек
Қишлоқ менга қадрдон.

УЗРНОМА

Йўлимга термулиб қолгандинг зор-зор,
Менга дардларингни қилгандинг изҳор,
Мен сени қадрингга етмадим зинҳор,
Олдингда қарздорман узр, қишлоғим.

Энг аввал буюклик ҳақда ўйладим,
Кейин уни шеърга солмоқ истадим,
“Ватан, Ватан”, дея ёниб куйладим,
Ватаним ўзинг асли азиз, қишлоғим.

Ҳамон қайнамоқда қора қумғонинг,
Меҳнатдан қочмайди бободехқонинг,
Шаҳарга бўйлашибди, бўйинг, уйларинг,
Кўркамлик муборак, кўркли қишлоғим.

Кўрдим юртимнинг машҳур жойларин,
Амударёларга оққан сойларин,
Ичдим қониб Тошкент чойларин,
Ризқим тартиб келдим азиз қишлоғим.

БАҲОР МУБОРАК

Чалинар қулоққа қалдирғоч саси,
Қирларни қоплайди гулнинг сараси.
Уйлардан янграйди куйлар садоси,
Баҳорнинг нафаси муборак, ўлкам!

Кўчалар ободу ям-яшил боғлар,
Лолақизғалдоққа бурканар тоғлар,
Дарахтлар очади куртак, япроқлар,
Баҳорнинг нафаси муборак, ўлкам!

Баҳор байрамига куйлар ярашар,
Наврўз каби гўзал тўйлар ярашар,
Сумалак рангидан кўзлар қамашар,
Баҳорнинг нафаси муборак, ўлкам!

Сочида сочиопук тақар қизлари,
Юрган йўлларида гулнинг излари,
Саҳардан нон ёпар ширмой юзлари,
Баҳорнинг нафаси муборак, ўлкам!

БАҲОРГИНАМ

*Она – рассом қўлларида мўйқалами қимирлагай,
Дала қизи қизғалдоқлар шўҳ —оҳиста қиқирлагай,
Шамол нозик ёр манзилин сўраб аста шивирлагай,
Шу он майса жажжжи бошин эгиб секин қимирлагай,
Қўлмакдаги ғариб сувда ҳаёт нури жимирлагай,
Сен ўшасан – соғинганим, излаганим баҳоргинам.*

БАҲОР ДАРАКЧИЛАРИ

*Тез-тез учратамиз капалакларни,
Қуёш ҳузурида камалакларни,
Қизлар тақиб олар жамалакларни,
Буларнинг барчаси баҳордан дарак.*

*Баъзан осмон қовоғин уйиши ҳам бор,
Баъзида ёмғирнинг қуйиши ҳам бор,
Баъзида дўл ёғиб қўйиши ҳам бор,
Буларнинг барчаси баҳордан дарак.*

ЁЗНИНГ ЎРНИ

Бугдой пояларин, сомон пахоли,
Дарахт япроғи-ю унинг ниҳоли,
Қизу жувонларнинг зулфи ҳилоли,
Ҳамма-ҳаммасида ёзнинг ўрни бор.

Сойлар сувларининг шилдирашида,
Деҳқон терларининг ялтирашида,
Тунда юлдузларнинг милтирашида,
Ҳамма-ҳаммасида ёзнинг ўрни бор.

Олма-ю анжирлар тукилар ёзда,
Дарахтлар сояси мадордир элга,
Бунда она замин зор ёмғир-селга,
Ҳамма-ҳаммасида ёзнинг ўрни бор.

Анҳорга чопади болалар,
Бош эгар тоғдаги лолалар,
Иссиқдан ҳансирар далалар,
Барча-барчасида ёзнинг ўрни бор.

БАҲОРИМНИНГ БАҲОСИ

*Баҳоргинам, бунча гўзал бебаҳосан,
Қалдирғочни чорлай олган бир даҳосан.
Излаганда топилмаган сен анқосан,
Кийган атлас кўйлагингда гул терайми,
Баҳоргинам баҳойингни мен берайми?*

*Аразлабон қуёшингни яширсанг гар,
Булут ўғлинг жаҳл билан хўп бақирар,
Худди шу он ғазаб нури бир ялтирар,
Кўз ёшларинг дарё бўлган кун кулайми,
Баҳоргинам, баҳойингни мен берайми?*

*Чигиртканинг қўшиғидан яшнар дилим,
Кўкда қалбинг парчалари тилим-тилим.
Афсус кўкка сира менинг тушмас йўлим,
Айтгин ерда лолаларинг аллалайми,
Баҳоргинам, баҳойингни мен берайми?*

*Бир дарахтинг гуллабдику оппоқ, қийғос,
Яна бири кийиб олган яшил либос.
Билсанг улар сенинг ўзинг, ўзинг холос,
Наврўз кун сенинг учун ҳам куйлайми,
Баҳоргинам, баҳойингни мен берайми?*

ХАЁЛИЙ КУЗ

Япроқларин оҳиста пойингга тўкиб,
Хаётнинг тотидан куйламоқда куз.
Ҳар ёмғир томчиси кипригинг ўпиб,
Йиғлаган чоғида унга бурма юз.

Турнани айни чоғ кўргинг келса гар,
Хаёлинг бузмагин, қарғадан кўз уз.
Атиргул рангини соғинсанг агар,
Ялтираб товланган хазондан кўз уз.

Ўйлама, эй йигит, хаёлга чўмиб,
Шундай гўзалликнинг эгаси бу куз.
Қалбингни огритиб, гавғога кўмиб,
Қаршингда турган бу - бетакрор, ҳур қиз.

АЁЛГА ТАЪЗИМ

*Жаннатни босади юрган йўлида,
Дунёни тебратар битта қўлида,
Чечаклар очилар ўнгу сўлида,
Оила бекаси аёлга таъзим.*

*Умри давомида бир порлаб ўчар,
Йўлдан адашсак гоҳ меҳрибон қучар,
Шодлигида гўё қуш каби учар,
Дунёнинг бекаси аёлга таъзим.*

*Эрта-кеч тинмайди меҳнатда қўли,
Ойсиз тунларда ҳам чароғон йўли,
Қуёшу юлдузлар, ёмғиру дўли,
Қилади ҳамиша аёлга таъзим.*

ОНАЛАР МАДҲИ

Оламни яратгувчи ҳам асли Она,
Дунёни танитгувчи ҳам асли Она,
Ғам-ғуссага ботсак, чексак надомат,
Эркалаб, юпатгувчи ҳам асли Она.

* * *

Оналар бор фарзанд учун жонин фидо айлаган,
Оналар бор юрт юкини елкасига юклаган,
Она меҳри гўё бизчун кўкда порлоқ юлдуздир,
Бу юлдузнинг нурларидан ҳатто тун ҳам кундуздир.

* * *

Менинг меҳрибоним, мўътабар онам,
Дунёда ўзингиз азиз яғонам.
Ўзлгимни ўзингизда қураяман,
Қалби поким, табарругим, ҳамдардим, онам.

БАҲОРГА ҲАСРАТЛАР

*Мужассамсан бугун булбул сўзида,
Борсан бу заминнинг ер-у кўкида,
Жажжи болажоннинг порлоқ кўзида,
Борсан ҳар полвоннинг нурли кўксида,
Баҳор, нечун йўқсан бобом юзида?*

*Қозонда қайнаган сумалакдасан,
Шодон пирпираган камалакдасан,
Ёмғирдан сўнг чиққан камалакдасан,
Ой юзли, кокил соч, ҳур малакдасан,
Баҳор, нечун йўқсан момом юзида?*

201 — А	Alisher Navoiy nomidagi O'zbekiston MK
------------	--

ЗАРРА

Асли мен бир уммоннинг
Бир томчи парчасиман.
Уммонимдан қочсам гар,
Айрилгум барчасидан.

Шўхлик қилиб уммоннинг,
Юзасига чиқсам гар.
Офтоб мен заррачани,
Бир зумда шимиб кетар.

Мен барибир қайтаман,
Жонажон уммон сенга.
Фақат ушбу оламни,
Тарк этарман "бир кунга".

НАФС

Оллоҳдан кимлардир сўрашар умр,
Оллоҳдан кимлардир сўрашар қадр.
Лекин ҳеч кўрмадим фоний дунёда,
Оллоҳдан инсонга сўраган сабр.

Оллоҳдан сўрашар:- “Фарзанд бер” дея,
Оллоҳдан сўрашар:- “Давлат бер” дея.
Лекин ҳеч инсонлар сўрамас афсус,
“Эй, Оллоҳ, менга ҳам ақл бер” дея.

Оллоҳдан сўрашди ҳатто омадни,
Кўрдим севги, ҳатто зулф сўрагани.
Аммо ҳеч кўрмадим фоний дунёда,
Нафсининг эшигига қулф сўрагани.

ГҶЗАЛЛИК ШАЙДОЛАРИ

Чехрангиздан нурлар ёғмай қолмасин,
Фарзандингиз меҳрга зор бўлмасин,
Кўларингиз чақноқликдан толмасин,
Ҳалол меҳнат қилиб, ҳеч ҳормангиз,
Эй, гўзаллик шайдолари, аёллар!

Ғапирганда бол томади тилингиздан,
Гуллар унар сизнинг юрган изингиздан,
Кулиб боқинг, меҳр ёғар кўзингиздан,
Дунёда йўқ аъло инсон ўзингиздан,
Эй, гўзаллик шайдолари, аёллар!

Лайло бўлиб Мажнунини зор этган,
Зухро бўлиб Тоҳирини хор этган,
Раъно бўлиб Хонларни афгор этган,
Отабекка дунёларни тор этган,
Эй, гўзаллик шайдолари, аёллар!

БОБОМНИНГ БОҒИ

Эрта тонг шамолида силкинган бобом гули,
Хаёлимни етаклар болалик чоғларимга.
Кўз олдимга келади қишлоқнинг тупроқ йўли,
Шўх ўйноқлаб борардим бобомнинг боғларига.

Ёнимда ўртоқларим бобомларга парвона,
Чугурлаймиз бирма-бир: – “Эртак айтасиз қачон?”
Бобом дарахтларига дард айтар ёна-ёна:
“Бу меваларни кура олсайдим бир йил яна”.

Англамаган эканман ушанда бобом дардин,
Айш дам ўша кунни эслатмоқда ҳар бир жой.
Энди ҳис қилмоқдаман бобожонимнинг қадрин,
Бўлсин дейман бобожон жойингиз жаннатдан.

ҲАМРОҲ

Қоронғу тун,
Ёлғизман бу кун.
Кўкдаги йўлдошим Ой -
У ҳам танҳо.
Самодан таралар,
Оламга бир ун.
Ой ҳам ёлғизликдан,
Йиғларди гўё.
Нафис ой йиғлама,
Ахир сен кўкдасан,
Ва яғонасан.
Билмасдан дардим,
Бағрим тиелама,
Ердаги олчоқларга,
Сен бегонасан.

КИТОБ НОЛАСИ

Танишайлик кел ўртоқ,
Мен сенинг дўстинг китоб.
Асосим ёзув, қоғоз,
Маъносини ўқиб, топ.

Ўртоқ бўлсанг сен менга,
Сирларимни очаман.
Илм-маърифат ила,
Қалбга ёғду сочаман.

Мени ифлос қилмагин,
Варақларим авайла,
Эғнимга кийдир пўстин,
Шунда бўламан дўстинг.

ҚИШ ЗАВҚИ

*Қиш келганда далалар,
Оқ чойшабга ўралар.
Иссиқ кийиниб олиб,
Қор отади болалар.*

*Яқин жўра, ўртоқлар,
Чана тортар визиллаб,
Текис, равон йўлларни,
Қиш музлатар изиллаб.*

*Салом, қиш, дер болалар,
Садо берар далалар,
Қиш завқидан хо-холаб,
Қор курайди холалар.*

МАДАД

Йиглама, эй фалак,
Эй, ночор само.
Қуёш юз угирса,
Ўгирибди-да.
Ахир сен томонда,
Мен борман ҳамон.

ТУРТЛИКЛАР

Умринг бўйи хаёл расмин чизмоқлик бу - шеърият,
Қисқа ҳаёт занжирини чўзмоқлик бу — шеърият.
Хаёл суриб турганингда ҳаёт нури сўнса гар,
Мамнун бўлиб дунёда байт тузмоқлик бу — шеърият.

* * *

Капалагим чиройингни кўз-кўз қилиб,
Фазоларга парвоз қилма бунча узоқ.
Бу бетакрор чиройингга мафтун бўлиб,
Ўргимчаклар қўйишлари мумкин тузоқ.

* * *

Болаликда ўйлардим,
“Дунёда бир мен бўлсам”.
Буни ҳамма ўйларкан,
Ақлим етганда билсам.

* * *

Само қучоғидан узилган томчи,
То ерга қўнгунча нола қилармиш.
Замин теграсига қадами етгач,
Бечора томчининг дарди тинармиш.

-Нега бошин ҳамиша
Кўкка чўзаркан терак?
-Ўзидан бошқани у
Ҳеч ўйламаса керак.

Бечора мажнунтолнинг
Умри ўтади гирён.
Кейин билсам ўйларкан
Лайлисини у ҳар он.

Қаҳратон совуқда ҳам
Ям - яшил турар арча.
Унинг матонатиға
Қойил қолади барча.

Энг уятчан сабзавот
Таълашган бир яхши от.
Помидорда жамланган
Куч -қувватга тўла тот.

Яшил дум олтин қозик,
Қуёнга яхши озиқ,
Сабзи бўйни ўстирар
Тезроқ е ахир вақт зиқ.

Чашма каби шаффофсан, зилол,
Интиламан қонмоқчун сенга.
Шеърим сендан бир ўтинчим бор,
Бир умрлик ҳамроҳ бўл менга.

СЕВГИ БУ ...

Севги бу - бир оловдир
Унинг сўнмоғи бордир.
Севсанг ёр талабига
Сўзсиз кўнмоғи бордир.

Севги бу - оппоқ қордир
Эриб кетмоғи бордир.
Севсанг ёр талабига
Сўзсиз кўнмоғи бордир.

Севги бу умримиздир
Унинг қаримоғи бор.
Севгига берма озор
Унинг ҳам сўроғи бор.

Севги бу бир ҳақиқат
Унинг эгилмоғи бор.
Ҳиёнатга юз бурсанг
Ёр кўнгли топар озор.

Севги - юрак ўйноғи
Севги- қалблар қийноғи
Севги - сўзлар сўроғи
У бир тотли азобдир.

ОНА ТИЛИМ

Онамнинг алласин баъзан эслайман
Ором бағишловчи алла сўзланар.
Во ажаб, бу қандай мўъжиза дейман
Хаёлим она тил томон юзланар.

Навоийнинг Ғазалида янграган ўзинг,
Мирзо Бобур ноласида йиғлаган ўзинг,
Қодирий, Чўлпон-у Авлонийларнинг
Зоридан бағримни тиғлаган ўзинг.

Қачонки сен ҳақда сўйласам агар,
Мақтовим кам бўлса келмасми малол.
Юртимнинг кўркисан она тил магар,
Абадий яшайсан кўрмай ҳеч завол.

МУНДАРИЖА

Меҳр чашмаси.....	3
Юртим мадҳи.....	4
Ватан ҳақида ўйлар.....	5
Қадрдон қишлоқ.....	7
Узрнома.....	9
Баҳор муборак.....	10
Баҳоргинам.....	11
Баҳор даракчилари.....	11
Ёзнинг ўрни.....	12
Баҳоримнинг баҳоси.....	13
Хаёлий куз.....	14
Аёлга таъзим.....	15
Оналар мадҳи.....	16
Баҳорга ҳасратлар.....	17
Зарра.....	18
Нафс.....	19
Гўзаллик шайдолари.....	20
Бобомнинг боғи.....	21
Ҳамроҳ.....	22
Китоб ноласи.....	23
Қиш завқи.....	24
Мадад.....	25
Тўртликлар.....	26
Севги бу.....	29
Она тилим.....	30

1500 с.м.

АДАБИЙ-БАДИИЙ НАШР

Ситора ЧОРИЕВА

ЧАШМА

Шеърлар

Мухаррир: Фаҳриддин Бозоров
Тех.муҳаррир: Роҳила Юлдошева
Мусахҳих: Сожида Аллаёрова
Саҳифаловчи: Зафар Махсатов

Теришга берилди 02.09.2013.
Босишга 20.09.2013 йилда рухсат этилди.
Бичими 70x100^{1/32}. "Times Uz" гарнитураси
Офсет босма усулда босилди.
Нашр табоғи 0,57 Шартли босма табоғи 1.29
Адади: 250 нусха
Буюртма № 60/09. Эркин нархда.
Шартнома №19. 30.09.2103 йил.

«Қашқадарё кўзгуси ОАВ» МЧЖ.
Нашриёт лицензияси АІ №244
180118, Қарши шаҳри,
Мустақиллик шоҳ кўчаси, 22-уй.

“Қаршиполиграф нашр” МЧЖ босмахонасида
чоп этилди, 180118, Қарши шаҳри, Мустақиллик
шоҳ кўчаси, 22-уй.